

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/76, 13.03.2020թ.

Բողոք բերող անձ՝ «Մեդիսար» ՍՊԸ

Պատվիրատու՝ «ՀԱԷԿ» ՓԲԸ

Գնման ընթացակարգի ծածկագիրը՝ «ՀԱԷԿ-ՀԲՄԱՊՁԲ-10/20» հրատապ բաց մրցույթ

Գնման առարկան՝ Օքսիէթիլիդենտի ֆոսֆոնային թթվի ձեռքբերում

Բողոքի պահանջը՝ Պարտավորեցնել «ՀԱԷԿ» ՓԲԸ-ի կողմից «ՀԱԷԿ» ՓԲԸ կարիքների համար՝ «Օքսիէթիլիդենտի ֆոսֆոնային թթվի» ձեռքբերման նպատակով կազմակերպված «ՀԱԷԿ-ՀԲՄԱՊՁԲ-10/20» ծածկագրով ընթացակարգի գնահատող հանձնաժողովին ընդունել՝

1. «Մեդիսար» ՍՊԸ-ի հայտը մերժելու մասին որոշումը դադարեցնելու վերաբերյալ համապատասխան որոշում,
2. «Մեդիսար» ՍՊԸ-ին ընտրված մասնակից ճանաչելու մասին համապատասխան որոշում: Եթե բողոք քննող անձը գտնի, որ ընտրված մասնակից ճանարելու մասին պահանջը հնարավոր չէ բավարարել, ապա պարտավորեցնել «ՀԱԷԿ-ՀԲՄԱՊՁԲ-10/20» ծածկագրով ընթացակարգի գնահատող հանձնաժողովին ՀՀ կառավարության թիվ 526-Ն որոշմամբ հաստատված կարգի 41-րդ կետի համաձայն՝ «Մեդիսար» ՍՊԸ-ին հնարավորություն տալ սահմանված կարգով շտկելու արձանագրված անհամապատասխանությունը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով**.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



HAP
LAW FIRM

ՀՀ գնումների հետ կապված

Բողոքները Քննող անձին

ՀՀ, ք. Երևան, Մելիք-Ադամյան փող. 1

Բողոքարեր՝ Մեղիսար ՍՊԸ

ՀՎՀՀ՝ 02555635, գրանցման համար՝ 286.110.04125

Հասցե՝ ՀՀ, 0023, Երևան, Գետտաի փող., 4/9 շենք

ներկայացուցիչ՝ փաստաբան Աննա Սարգսյան

**(փաստաբանական գործ. արտոնագիր՝ 2189, տրվ.
03.12.2016թ., նույնականացման քարտ՝ 006499388,
տրված՝ 14.09.2016 001-ի կողմից)**

**Ծանուցման հասցեն՝ ՀՀ, ք. Երևան 0002, Բիզնես կենտրոն
«Սարյան 12», 3-րդ հարկ, գրասենյակ թիվ 1, «ՀԱՊ» ՍՊԸ
Հեռ. 099 89 00 50**

Պատվիրատու՝ «ՀԱԷԿ» ՓԲԸ

Հասցե՝ ՀՀ Արմավիրի մարզ, ք. Մեծամոր հասցեում

Բողոքարկվող գնման ընթացակարգի

ծածկագիրը՝ «ՀԱԷԿ-ՀԲՄԱՊԶԲ-10/20»

Գնման առարկա՝ «Օբյեկտի իրենտի ֆուֆունային թթվի» ձեռքբերումը

ԲՈՂՈՔ

«ՀԱԷԿ-ՀԲՄԱՊԶԲ-10/20» ծածկագրով գնման ընթացակարգի գնահատող հանձնաժողովի մարտի 6-ին հրապարակված թիվ 2 արձանագրության համաձայն՝ «Մեդիսար» ՍՊԸ-ի (այսուհետև նաև՝ Ընկերություն) ներկայացված հայտը գնահատվել է անբավարար և մերժվել է: Գնահատման հանձնաժողովի՝ Ընկերությանը վերաբերելի մասով վերոհիշյալ բովանդակությամբ որոշում կայացնելու հիմք է հանդիսացել Ընկերության կողմից ներկայացված հայտում թիվ 3 Հավելվածի ներբեռնված չլինելու հանգամանքը, այն դեպքում, երբ հայտի ներբեռնման համակարգում բացակայել է թիվ 3 Հավելվածի համապատասխան պատուհանը: Նշված արձանագրությամբ «ԹԱԳ ՀԵՄ» ՍՊԸ ճանաչվել է ընտրված մասնակից և վերջինիս հետ պայմանագիր կնքելու հայտարարությունը է հրապարակվել սույն թվականի մարտի 6-ին: Ընկերությունը չի ընդունում հանձնաժողովի որոշումը՝ դրա ոչ իրավաչափ լինելու հիմքով և ղեկավարվելով «Գնումների մասին» ՀՀ օրենքի (այսուհետև նաև՝ Օրենք) 46-րդ, 47-րդ և 50-րդ հոդվածների պահանջներով, ներկայացնում ենք սույն բողոքը:

Բողոքի քննության համար էական նշանակություն ունեցող փաստերը.

1. Պատվիրատուն՝ «ՀԱԷԿ» ՓԲԸ, որը գտնվում է ՀՀ Արմավիրի մարզ, ք. Մեծամոր հասցեում, հայտարարել է բաց մրցույթ, որն իրականացվել է մեկ փուլով՝ էլեկտրոնային գնումների Armeps (www.armeps.am) համակարգի միջոցով:
2. Մրցույթին մասնակցելու հայտեր են ներկայացրել «Մեդիսար» ՍՊԸ և «ԹԱԳ ՀԵՄ» ՍՊԸ:
3. Մրցույթում Ընկերության կողմից ներկայացված գնային առաջարկը կազմել է 22425000.00 ՀՀ դրամ:
4. 28.02.2020թ.-ի հայտերի բացման և գնահատման նիստի ժամանակ նիստը որոշվել է համաձայն 526-Ն որոշման 41-րդ կետի պահանջներով 1 աշխատանքային օրով կասեցնել նիստը «ԹԱԳ ՀԵՄ» ՍՊԸ-ին՝ առաջարկելով մինչև կասեցման ժամկետի ավարտը շտկել անհամապատասխանությունը, որը կայացել է թիվ 1.1 Հավելվածը չներբեռնելու հանգամանքով:
5. 05.03.2020թ.-ի թիվ 2 արձանագրության 4-րդ կետում ամրագրվել է, որ Ընկերության կողմից ներկայացված հայտը անբավարար է, քանզի ներբեռնված չէ թիվ 3 Հավելվածը, այն դեպքում, երբ հայտի ներբեռնման ժամանակ առկա աղյուսակներում բացակայել է թիվ 3 Հավելվածի ներբեռնման համապատասխան պատուհանը և/կամ աղյուսակը:
6. Տվյալ ծածկագրով ներկայացված գնման հրավերից անհնար է եզրակացնել, որ հայտի ապահովման թիվ 3 Հավելվածը պարտադիր է, քանզի armeps.am հարթակում հայտը ներկայացնելու ժամանակ առկա չի եղել թիվ 3 Հավելվածը ներբեռնելու որևէ պատուհան:

7. Եթե ենթադրենք, որ թիվ 3 Հավելվածը ենթակա էր ներբեռնման, ապա Գնահատման հանձնաժողովը պետք է տրամադրեր Ընկերությանը ժամանակ շտկելու հայտում առկա անհամապատասխանությունները հայտ ներկայացրած մյուս մասնակցին նման հնարավորություն ընձեռնելու նպատակով 28.02.2020թ.-ի նիստը կասեցնելու ժամանակ:
8. Գնահատող հանձնաժողովի կողմից Ընկերության կողմից ներկայացված հայտը անհիմն մերժվել է և չի ապահովվել գնման գործընթացի մասնակցության հավասար իրավունքը, քանզի շտկման հնարավորություն տրամադրվել է «ԹԱԳ ՀԵՍ» ՍՊԸ-ին, այն դեպքում, երբ համապատասխան աղյուսակը թիվ 1.1. հավելվածի ներբեռնման համար առկա է եղել համակարգում, իսկ թիվ 3 Հավելվածի ներբեռնման համապատասխան պատուհանը և/կամ աղյուսակը լիովին բացակայել է, որը համակարգային խոտանի և/կամ այլ տեխնիկական բացթողման արդյունք է, և որն է կերպ Ընկերության սխալի արդյունք չի:
9. Ընկերության կողմից ներկայացվել է հրավերին համապատասխան հայտ համապատասխան փաստաթղթերի ամրագրմամբ, որոնց ներբեռնման հնարավորությունը տրված էր armeps.am համակարգում:

Բողոքի իրավական հիմքերը և հիմնավորումները`

Գնահատող հանձնաժողովի կողմից Ընկերության հայտի մերժումն ակնհայտ անհիմն է, որը <Գնումների մասին> ՀՀ օրենքի (այսուհետև նաև` Օրենք) համապատասխան դրույթների սխալ մեկնաբանության, չկիրառման և խախտման արդյունք է, մասնավորապես.

<Գնումների մասին> ՀՀ օրենքի (այսուհետև նաև` Օրենք) 3-րդ հոդվածի 2-րդ մասի համաձայն` գնումների գործընթացը հիմնվում է հետևյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.
- 3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն` ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Գնումների գործընթացի կազմակերպման կարգի (այսուհետև նաև՝ Կարգ) 40-րդ կետի 4-րդ ենթակետում ամրագրված է, որ հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Ավելին, նույն Կարգի 41-րդ կետում սահմանված է, որ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Ամփոփելով վերոգրյալը, Ընկերությունը գտնում է, որ գնահատող հանձնաժողովի թիվ 2 արձանագրությամբ Ընկերության հայտը անհիմն է մերժվել: Ավելին, համապատասխան հարթակում առկա չի եղել որևէ տեխնիկական հնարավորություն և/կամ պատուհան թիվ 3 Հավելվածի ներբեռնման համար: Եթե այդպիսի ապահովում ենթադրենք պարտադիր էր սույն գնման հրավերի համար, ապա ոչ միայն պետք է ապահովվեր վերջինիս ներբեռնման համար համապատասխան աղյուսակը և/կամ պատուհանը, այլ նաև այդպիսի ներբեռնման բացակայության դեպքում մասնակիցների կողմից չներբեռնելու դեպքում տրվեր հնարավորություն թիվ 3 Հավելվածի ներբեռնման, համակարգի խոտանի հետևանքով առաջացած անհամապատասխանությունը շտկելու Կարգով սահմանված հնարավորությունը:

Պահանջը՝

Ելնելով այն հանգամանքից, որ գնահատող հանձնաժողովը խախտել է գնման գործընթացին մասնակցելու հավասար իրավունքը, խտրական վերաբերմունք՝ ցուցաբերել, անտեսել է իր տվյալ հրավերի համար armeps.am համակարգում առկա

խոտանի առկայության հանգամանքը, չի տրամադրել Շնկերությանը հնարավորություն իրացնելու իր օրենքով գնումներին մասնացկության իրավունքը, ակնհայտ անհիմն կերպով մերժել է Շնկերության հայտը՝ չտրամադրելով վերջինիս հնարավորություն ներկայացնելու թիվ 3 Հավելվածը, շտկելու համակարգում առկա բացթողման արդյունքում թիվ 3 Հավելվածի ներբեռնման հնարավորությունը և ղեկավարվելով Օրենքի 50-րդ հոդվածի 7-րդ կետով


Խնդրում ենք

Պարտավորեցնել «ՀԱԷԿ» ՓԲԸ-ի կողմից «ՀԱԷԿ» ՓԲԸ կարիքների համար՝ «Օբսիլեթիլիդենտի ֆոսֆոնային թթվի» ձեռքբերման նպատակով կազմակերպված «ՀԱԷԿ-ՀԲՄԱՊԶԲ-10/20» ծածկագրով ընթացակարգի գնահատող հանձնաժողովին ընդունել՝

- <Մեդիսար> ՍՊԸ-ի հայտը մերժելու մասին որոշումը դադարեցնելու վերաբերյալ համապատասխան որոշում,
- <Մեդիսար> ՍՊԸ-ին ընտրված մասնակից ճանաչելու մասին համապատասխան որոշում: Եթե բողոք քննող անձը գտնի, որ ընտրված մասնակից ճանաչելու մասին պահանջը հնարավոր չէ բավարարել, ապա պարտավորեցնել «ՀԱԷԿ-ՀԲՄԱՊԶԲ-10/20» ծածկագրով ընթացակարգի գնահատող հանձնաժողովին ՀՀ կառավարության թիվ 526-Ն որոշմամբ հաստատված Կարգի 41-րդ կետի համաձայն՝ <Մեդիսար> ՍՊԸ-ին հնարավորություն տալ սահմանված կարգով շտկելու արձանագրված անհամապատասխանությունը:

Կից ներկայացնում եմ՝

1. Արձանագրության պատճենը;
2. <Մեդիսար> ՍՊԸ-ի կողմից ներկայացված հայտը և կից փաստաթղթերը
3. Պայմանագիր կնքելու որոշման մասին հայտարարությունը;
4. Armepps.am հարթակում թիվ 3 Հավելվածի ներբեռնումը բացառող հանգամանքը հավաստող ապացույցը;
5. Լիազորագրի սկան տարբերակը
6. Նույնականացման քարտի և փաստաբանական գործունեության արտոնագրի պատճենները;
7. Պետական տուրքի վճարման անդորրագիրը:

<Մեդիսար> ՍՊԸ-ի ներկայացուցիչ, փաստաբան՝  Ա. Մարգարյան

13.03.2020թ.